



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1856

CCXII. Markgraf Johann beleihet die von Barfus zu Kunersdorf und Predikow, so wie den Jakob Barfus, Comthur zu Lagow, mit ihren Lehnsbesitzungen zu Reichenberg und Quilitz, am 10. März 1484.

[urn:nbn:de:hbz:466:1-54728](https://nbn-resolving.org/urn:nbn:de:hbz:466:1-54728)

gegeben, verkawfen mogen, doch das sie oder Ire erben, so erst sie können, wider abkawffen vnd czu sich brengen sollen on geuerd. Actum Coln an der Sprew, am freitag nach franciscus, Im LXXXIII ten.

Nach dem Churm. Lehnscopialbuche XXV, 314.

CCXII. Markgraf Johann befehlt die von Barfus zu Kumerödorf und Prebikow, so wie den Jakob Barfus, Comthur zu Lagow, mit ihren Lehnsbesigungen zu Reichenberg und Quiltz, am 10. März 1484.

Wy Johans etc., Bekennen —, dat vor vnns gekomen sind vnse Rede vnd liuen getruwen hans, hennyngk vnd cone barfft, gebruder, to Conrestorp vnd hans barfft to predekow, ere vedder, vnd hebbenn vnns geboden, dat wy en desse hirnageschreuen lehguder, Jerlicke tinsf vnd rente to rechtem manlehne vnd gefampter hant gnediglich lyhen mochten, Nemlich dat dorp Rykenberge vnd die halue wuste dorpfede die herczharne gnant, Eyne wese vp dat felt to Quilicz vnd twe koflaten hofe Im dorpe to Quilicz, die geuen beyde des Jars twe schepel Czypoln, megen die wese vnd brengen dat hew to hope, mit allen gnaden, friheiden, gerechtigkeiten vnd togehörungen, In maten sie solcke guder von otten vnd peter eykendorp to pilgrim gekofft, die sie forder verlaten vnd vpgegeuen hebben. Item Negentein hufen to Rykenberge mit sampt dem haluen gerichte, mit dem haluen krüge vnd mit dem haluen lehnperde, mit allen gnaden, friheiden, gerechtigkeiten vnd togehörungen, In maten sick die werdige vnse Rath vnd liuer getruwer her peter Apt to Chorin vnd syn gadelzhufz der bether gebuket, die endie vor ander guder, die sie von vnns to lehne gehat hebben, gegeuen vnd sie darmit mit willen seiner ober prelaten nach lawt des wessels vnd kauffbriues an vnns gewyset vnd verlaten hefft. Item einen hoff to Mogelin, dat virdendeil tom herczharne vnd eine wyse dar by gelegen tuschen der wriczen vnd bliforp Inn dem bruke to ende der kaprow, ock mit allen gnaden, friheiden, gerechtigkeiten, nuttungen vnd togehörungen, die en vnser liuer getruwer hans eykendorp to Sweeth, als vormunder peter Eykendorps, recht vnd redlich verkofft vnd verlaten hefft. Defz hebben wy angesehen Solcke der barffte vlütige bede ock getruwe willige dinste vnd en die vorgeschreuen lehguder, Jerlicke tinsf vnd rente to rechtem manlehne vnd gefampter hand gnediglich gelegen vnd wy lyhn en vnd eren rechten lehns eruen die also wy vorberurt to rechtem manlehne vnd gefampter hant In Craft vnd macht dises briues etc. Ock hebben wy von besunder gunst vnd gnade wegen vnsem Rade vnd liuen getruwen Ern Jacob barfft, Comptur to lagow, an den vorgeschreuen lehguderen die gefampte hant gelegen vnd lyhen em die also mit den vorgnanten synen bruderen vnd vedderen In vnd mit Craft vnd macht dises briues, doch vnns, vnfen eruen vnd nakamen an vnfen vnd sus ydermann an synen rechten vnshedlich. To vrkund etc. Actum Coln an der Sprew, am midweke na Inuocauit, Anno etc. LXXXIII ten.

Nach dem Churm. Lehnscopialbuche XXV, 97.